



## Vaksinacija protiv korona ka delpe ko centar za vaksinaciju – keda ka denpe o terminija andri prvo dji ko dujto vakcina



1

### 1. Keda čerenape o terminija sebepi i vaksinacija


Ko 53 centrija, ki celo severno Rajna Vestfalija i vaksinacija počini te delpe andro 8. Februari 2021 berš. O vakcinisanje šaj te čerelpe samo ako isitumen zakazano termini, kova mora te čerelpe aglal. Najšukar te phraven ko internet i strana **www.116117.de** koja tani andro dive 25. Januar aktuelno. Odothe šaj te čeren prijava za vakcinisanje. Ako dajek andri tumari familija tumenge ka čerel termini, dikhen te na ovel duplo rezervacija sebepi i vaksinacija. Tumen isto šaj bizo pare te vičinen preko telefoni o broj **0800 116 117-01** (Rajland) ja palem o broj **0800 117-02** (Vestfalija). On isto ka oven phravde taro 25. Januar, **svako dive andro 8 -22 sahati**. Ali pošto but djene vičinen koro amende, mora hari pobuter te adjičeren.



2

### 2. Prijava ko centar za vaksinaciju


O thana kaj čerelape i vaksinacija tane adjahar andri diz birime, so dji ko centrija tari vaksinacija šaj te djalpe avtobusencar, vozoja ja palem avtoja. Prvo so valjani te čerelpe tani i prijava: tumare podatke mora prvo te čerenpe registracija, a posle ka dikhelpe dali postojinena uslovija te čerelpe vaksinacija. Odolese tumencar mora te ljen i **lično karta** (Ausweis), elektornska **kartica taro tumaro zdravstveno osiguranje**, tumaro **termini so dobindjen**, hem tumari **knjizica tari vaksinacija** (ako isitumen). Keda kaaven, obavezno phiraven jekh normalno maska ja jekh FFP2 maska.



3

### 3. Objašnjenje

Ko centar za vaksinaciju ki soba kaj adjičeripe, isitumen prilika te den tumen pana jekh detaljno i čačipasri informacija tari vaksinacija sebepi i korona. Ako dji akana na alo tumenge poštaja o lil tari informacija, hem o lil, o obrazac so tumen pristajinena te dobinen i vakcina, onda odola duj lila ka dobinen amendar. Odola ljlilja valjani te čitinen i posle te pheren. Ako mangljen, šaj te čeren lafi jekhe doktoreja ja palem jekha doktorkaja.



4

### 4. Vaksinacija


I vaksinacija čerelape ko jekh phanlji prostorija, a o vaccine dena samo o školovana medicinska djene. Sar i vakcina protiv avera nasvalipe, isto sar i gripa, - delape ki musi. Jekh tikni doza samo dovoljno. Palo odova ljepinipe jekh flaster, kaj dindjape i vakcina. I vaksinacija pisinipe ki knjizica za vaksinaciju, ja paljem ka den tumen jekh lil, potvrda so dobindjem i vakcina, kaj pisini sa o podatkija so valjani tari vakcina.



5

### 5. Posmatranje

Ko krajo ka zamolinempe tumen, palo vakcinacija jekh ekvaš sahati ko jekh posebno than te bešen, sebepi taro medicinsko posmatranje. Odoleja šaj sigate te dikhelpe sigurno, dali uopšte hinen ki vakcina alergično – i ako odija jekh sasvim tikni reakcija a hem te dikhelpe te na ovel tumenge palo odova lošno. Ako odova vakti nakhela bizo disave komplikacije – a adjahar da po pravilu ka ovel, šaj te djan tumenge čhere.



6

### 6. Dujto vaksinacija

I vaksinacija protiv korona te delujini efikasno, mora te delpe dujto puti vakcina. Odoljese tumen ka dobinen solduj terminja keda ka prijavinen tumen, odova ko razmako maškar o trin kurke. Isto o dujto termini ka čerelpe ko isto centar za vaksinaciju, a i procedura ka ovel isto sar ko prvo vaksinacija. Molinena tumen, ljen tumencar lična karta, elektornska kartica taro tumaro zdravstveno osiguranje, tumari knjizica tari vaksinacija, tumaro termini so dobindjen hem i potvrda so dobindjen taro prvo termini.